

S V E Č A N O S T

NA GRADJEVINSKOM FAKULTETU U SARAJEVU

Povodom otvaranja Geodetskog smjera na Gradjevinskom fakultetu u Sarajevu održana je 19. oktobra 1973.godine prigodna svečanost.

Svečanosti su prisustvovala mnoge ugledne ličnosti političkog, društvenog i kulturnog života Republike i grada Sarajeva, predstavnici tehničkih fakulteta Bosne i Hercegovine, predstavnici geodetskih fakulteta, odnosno odsjeka iz Zagreba, Beograda i Ljubljane, predstavnici viših i srednjih geodetskih škola, predstavnici Savezne, republičkih i pokrajinskih geodetskih uprava i predstavnici geodetskih organizacija iz naše i drugih republika i pokrajina. Svečanosti su takodje prisustvovali: predstavnik Saveza inženjera i tehničara BiH, Saveza geodetskih inženjera i geometara Jugoslavije, predstavnici studenata Gradjevinskog fakulteta, studenata novoosnovanog Geodetskog smjera, te predstavnici studenata i učenika Više odnosno Geodetske tehničke škole. Prisutno je bilo preko 120 gostiju među kojima mnogi profesori Gradjevinskog fakulteta, počasni i zaslužni članovi našeg stručnog Društva i mnogi ugledni i aktivni članovi i kolege koji su svojim radom doprinijeli unapredjenju struke uopšte, i dali doprinos ostvarenju ovog značajnog koraka na putu razvoja geodetske struke u našoj Republici.

Svečanost je otvorio dekan Gradjevinskog fakulteta Prof.ing.Branko Veljković slijedećim riječima:

Drugarice i drugovi, poštovani gosti

Čini mi posebnu čast da mogu ispred Gradjevinskog fakulteta u Sarajevu da otvorim današnju svečanost povodom početka rada studija geodezije na našem Fakultetu.

Dozvolite mi da prije svega pozdravim naše visoke goste koji su došli da uveličaju ovu našu proslavu i da im se ispred našeg kolektiva zahvalim.

Želim posebno da se zahvalim:

Drugu Hamdiji Pozdercu - predsjedniku Skupštine SR Bosne i Hercegovine

Drugu Refiku Hukiću - predsjedniku Kulturno-prosvjetnog vijeća Skupštine SRBiH;

Drugu Dr.Marku Šunjiću - potpredsjedniku Izvršnog vijeća SRBiH

Drugu Prof.ing. Maljković Danu - predsjedniku Gradske skupštine grada Sarajeva;

Drugu Dr. Murizu Osmanagiću - direktoru Republičke zajednice za obrazovanje;

Drugu Lacić Draganu - zamjeniku sekretara Republičkog sekretarijata za obrazovanje i kulturu;

Drugarici Plejić Grozdani - pomoćniku republičkog sekretara Republičkog sekretarijata za obrazovanje i kulturu;

Drugu Jakšić Radi;

Drugu Dr. Čičić Safetu - predsjedniku Saveza inženjera i tehničara SRBiH

Drugu Ing. Prvoslavu Jovanoviću - sekretaru Saveza geodetskih inženjera i geometara Jugoslavije;

Predstavnicima geodetskih fakulteta Beograda, Zagreba i Ljubljane;

Drugovima dekanima i predstavnicima tehničkih fakulteta;

Direktoru Savezne geodetske uprave;

Direktorima republičkih i pokrajinskih geodetskih uprava;

Predstavniku Odeljka Vojnogeografskog instituta iz Sarajeva;

Direktorima i predstavnicima geodetskih radnih organizacija i svim ostalim gostima.

Rektor Prof. Dr. Zdravko Besarović i Prof. Dr. Rade Petrović, posebno su se izvinili što ne mogu doći i upućuju najbolje želje današnjem skupu.

Prof.ing. BRANKO VELJKOVIĆ

Drugarice i drugovi

Dozvolite mi da vam se sa nekoliko riječi obratim povodom svečanog otvaranja studija geodezije na našem Fakultetu.

Ovaj događaj predstavlja još jedan značajan datum u životu i razvoju naše ustanove, a naročito za geodetsku struku u našoj Republici. Tako će u buduću sa našeg Fakulteta izlaziti kadrovi visoke stručne spreme kao i naučni radnici iz oblasti geodezije koji su toliko potrebni našoj Republici odnosno zemlji. Uvidjajući ove potrebe, a na inicijativu Republičke geodetske uprave i stručnih organizacija geodetske struke uz puno razumijevanje i podršku naših društvenih i političkih faktora, došlo je do otvaranja geodetskog smjera na našem Fakultetu. Vjieran svojoj tradiciji pošti


vanju potreba naše zajednice, ovaj Fakultet se prihvatio postavljenog zadatka proširenja svoje djelatnosti za formiranje još jednog stručnog profila koji je inače veoma blizak i potreban upravo građevinarstvu. Zadatak nije ni malo lak, pošto se Fakultet bori sa velikim materijalnim a odatle kadrovskim, prostornim i drugim teškoćama. Međutim, i ovaj put su prevladali opšti interesi i zato nije bilo teško postići saglasnost za ovu stvar u našem kolektivu. Pri tome smo imali u vidu da će sadašnje



teškoće biti samo prolaznog karaktera, te da ćemo u rješavanju svih ovih problema naići na puno razumijevanje i podršku svih zainteresovanih organizacija i ustanova. Uostalom, s pravom kaže poslovice, da je svaki početak težak, a svakom je jasno da niko ni ne očekuje da će sve ići bez teškoća. Na nama svima je da uz pomoć zajednice postavimo na čvrste noge naš novi geodetski smjer, tj. da organizujemo kako nastavni tako i naučni rad iz ove oblasti saglasno dugogodišnjoj tradiciji naše škole a koristeći od ovog našeg poduhvata, sigurni smo da će naše društvo imati u bliskoj budućnosti.

Na našem Fakultetu koji postoji skoro 25 godina leži zadatak da svojim iskustvom pomogne što bržem savladavanju početnih teškoća. Dobar znak za ovo je i činjenica da je nastava na geodetskom smjeru startovala u ovoj školskoj godini istog dana kad i na ostalim smjerovima našeg Fakulteta.

Novoosnovani geodetski smjer počinje sa radom u potpunom skladu sa postavkama reforme nastave pa se mogu očekivati i odgovarajući rezultati. Inače naš Fakultet je izvršio sve predradnje statutarne i organizacione prirode za sprovođenje reformskih postavki i otpočeo sa tekućom školskom godinom na realizaciji tako postavljene nastave. Teškoća i ovdje ima. One su poznate ali se nadamo da ćemo ih uz pomoć našeg čitavog društva otkloniti.



Ugledni gosti na svečanom otvaranju

Bliskost građevinske i geodetske struke je nesumnjivo velika. Usko povezani na raznim zadacima u privredi građevinci i geodeti rješavaju mnoge probleme zajednički. Ne postoji ni jedan projekt i iz oblasti građevinarstva koji nema za osnovu geodetske podloge. Geodetski stručnjaci su neophodni i kod izgradnje građevinskih objekata, pa i docnije kod njihovog održavanja. To praktično znači da je na odredjeni način od projektovanja pa do realizacije bilo kog građevinskog objekta neophodna saradnja građevinaca i geodeta. Stoga je razumljiva i naša želja za stvaranje uslova i mogućnosti za što kvalitetniji studij geodezije na našem Fakultetu. I kao što saradjujemo u struci, tim prije možemo očekivati isti duh saradnje i na zajedničkom poslu na Fakultetu u obrazovanju visokostručnih i naučnih kadrova geodetske struke.

Na kraju ispred kolektiva Građevinskog fakulteta mogu uvjeriti ovaj skup da će naš kolektiv uz materijalnu pomoć zajednice učiniti sve što do njega